

兩
浙
輶
軒
錄

兩浙輶軒錄卷二十八目

董金城 張麟錫 陸天錫 陸會蕃 龔本

金輅 陳宜振 唐學潮 符元嘉 俞大受

黃炳 張天麟 陳淇 馬恒錫 韓載錦

潘學山 姚夏 劉鳴玉 劉大申 劉大觀

劉文蔚 劉以緒 吳修齡 吳煥文 胡大銓

茅逸 沈翼天 丁煌 俞忠孫 鄭錫

章崑 陳榮杰 周道孫 陳勲 謝秀嵐

王世芳 虞熙侯 鄭若楹 陳聖澤 陳一夔

蔣拭之 周應宿 姚述祖 俞調元 朱荃

高瀛洲 鍾鳳翔 謝閏祚 趙賢 許寧基

戚朝桂 葉元祺 吳懋政 陳致新 陳宣

祝喬齡

俞永弼

錢元昌

王路清

黃元嘉

陶錢浩

趙

荃

翟

灝

魏

鼎

兩浙輜軒錄卷二十八

督學使者阮元訂

董金城

字元之烏程拔貢生著少客詩集

偶感

久作羈孤客飢驅江上身家貧無長物歲暮有歸人負米忘途遠連牀覺語親一年能幾日椒酒又新春

張麟錫

字素書號海門山陰人乾隆丙辰進士官編修

陳兆崙傳略曰素書幼慧長善屬文性端厚務實行博涉經史及詩騷賦頌之屬著述益工左筆右瓢若將終身焉後以廷試詩古文第一入入詞館為文敏速似不經意其深雋曲到即百思不能過重自晦未經刊布世所傳鈔裁十之一耳

雜感

東隣有美女婉孌處閨房修眉鬬新月流盼何清揚自務好顏色不肯嫁玉昌青春忽云邁粧鏡無輝光裁成合歡被經

歲疊空箱落花不上帶誰復惜餘芳當軒理瑤瑟雙淚霑衣
笑

蜀犬常吠日夏蟲難語冰少見則多怪悠悠安足憑天龍下
葉公誰復識其真懷中有白璧往往招蒼蠅孤撐廓浮議大
雅當復興慎勿逐時好觚哉模其棱

秋風

木葉蕭森斷暮煙涼颺乍起次寥天聽來易水歌應變吹入
長門扇可捐榆塞孤鴻歸有信玉關萬馬去無邊遙知薄宦
思鄉客蒔菜鱸魚夢正牽

陸天錫

字畏菴號青棠平湖人乾隆

錢仁榮曰青棠號都失伯母林氏親授章句長而能文
母服痛不及祿養旋得心疾奉部檄戢暇知縣不能也
而
卒

借聽松山人過石林竹軒置酒

未到名泉里逢人問石林青山對門住芳樹入雲深恰值紫
芝客言攜綠綺琴蒼蒼苔徑古那許軟紅侵

龔

木

字立夫號東塢仁和
副貢生官仙居教諭

老屋雨後

老屋四三間結構依城曲細柳若受梳高桐如出浴松竹含
遠颺清響送陸續此中敷坐具涼陰掃炎燭書琴襍匏樽位
置殊不俗隙地師齊民瓜蔓延徑綠牆頭壓衆山倏忽雲駕
華颯沓雨點來濺珠復噴玉小圃貪天功油然而生意足

階下秋花如繡喜賦一詩

紛紅駭綠鬪鮮妍六枳籬邊竹檻前小草作花因得地老夫
娛目却貪天晴雲罩處秋光滿清露吹來涼影偏從此破閒

添活計安排筆硯與周旋

金

略

字寄封號耐雲又號荆村仁和人

朱彭曰耐雲本昆陵籍僑居仁和孤界不諧俗家故饒爲羣小所構悉棄去布衣蔬食坦然也工畫梅蘭詩亦清雅不多作作亦隨棄去歟後其甥王彥龍共詩得百餘首名耐雲遺稿

春晚喜晴

林梢一抹暮雲橫
預卜明朝可放晴
打點杖頭錢幾個
銷磨湖上月初更
不知白首埋何處
且托青山寄此生
蝴蝶夢醒誰是我
未應栩栩戀浮名

兀坐無事口占

質得湖陰屋數椽
端居日暇永如年
無魚久已羞彈鋏
有酒何妨便學仙
幸以長貧辭俗累
每於多病語因緣
披裘不作沽名客
何必溪頭問釣船

陳宜振

字義誦仁和人著石屋磨茨稿

未彭曰載說少游救南桑先生之門後客泚上與張圖東沈荻林交好晚年刪存其詩稿爲十二卷名曰石屋磨茨稿藏于家不肯示人辛亥歲從友人處見之偶錄數首

北卽山

北卽山頭日將夕白楊成列風蕭瑟回頭磊磊塚何多盡是千年遠行客原下死人春復秋新墳日壓舊墳頭夜半觸髅自相語我骨不知何處收日月更代疾如駛草木無知榮復死滄海無塵幾見飛河水難清不可恃

唐學潮

字雨江錢塘人

春山

春雲澹蕩春煙空浮嵐暖翠橫春風春山不肯露瘦骨但覺一抹呈春容天桃花紅柳初碧羣鳥嚶嚶啼不絕成就春光

滿十分暄和正是佳時節嬋娟曉拂鏡奩塵黛痕描出宮眉
新千巖秀色看不足只抵雙蛾尾上春

春草

東風一夜遍天涯吹得茸茸草吐芽池水綠時春入夢燒痕
青處客思家踏殘暮雨遊山屐碾破朝煙畫轂車美雨多情
惜芳景裙腰一道點飛花

符元嘉

字樹谷
錢塘人

春雨

浙澁生寒峭翻成二月秋檐聲驚燕語花氣亂春愁山影渾
如霧斜陽不到樓晚來衣帶潤還復覓香篝

春江

清波宛宛縈沙曲江流一瀉風迴綠試看孤艇自搖春歷歷

汀洲紛在目夾岼風吹楊柳花晚潮卷雪夕陽斜喚船渡口
賣魚客橫笛林中沽酒家人生只合臨江住水鳥沙禽雜雲
樹似展黃癡萬里圖江外峯青不知處

俞大受

字槐谷錢塘人雍正已酉舉人官漳州府同知

春煙

曉煙如霧滿春郊漠漠輕移過畫橋映水欲迷千頃碧看花
疑隔一重綃風颭遠岫吹難斷雨霽平林薄未消茆屋誰家
尙高臥任他門外幾痕飄

陸曾藩

字用庶錢唐人有蔗村遺稿

朱彭日用庶乃桑閑居士後裔

題諸蘿石負耒圖

我昔少壯時崎嶇南北走氣凌霄漢間落落世難偶傭書四

兩浙輶軒錄

卷五

徐元嘉 俞大受 周重華

四

十年蕭然成老叟歸來衡門下貧賤甘自守雖無郭外田
有庭前柳昨過米山堂殷勤訪吾友示我負耒圖優游樂畎
畝我久忘世味願隨君之後納稼有餘閒與君共杯酒

黃

炳

字文蔚海寧歲貢
生著輶軒詩偶

次南溪主人韻

獨立溪頭帽影斜秋江開遍異鄉花西風不管人無賴催典
絺衣付酒家

張天麟

字聖書號
村嘉興監生

俞思謫曰天麟晚年目盲桑江部發前

詩侶歌所云天麟目盲心悅始知是也

南野堂筆記張齊村先生抱才不遇晚年失明悲傷負

病天之所以厄之者至矣然猶不廢嘯歌有詞目發陶

絕句云雀喧鳩鬧只空問閒殺春光過二分南

眼飛花如霧裏不知何處送東君噴之可哀

鷺湖冶春詩

一堤新柳碧遙遙
蘸雨拖煙拂畫橋
今日東風太飄蕩
可憐十五女兒腰

古寺龍淵塔影浮
門前雙樹可維舟
黃金願鑄觀音像
禱取明年抱阿侯

大雪庵訪許山人

閒尋方外侶
松戶不須敲
秋樹老催葉
晚花寒坼苞
醉客高枕臥
詩屬小童抄
坐久殊忘返
遙林月上梢

陳

淇
字左泉號漁晴石門諸生著漁晴遺稿

泛舟

青草湖頭起暮煙
布帆半捲野人船
落梅風打黃梅雨
釀出江南五月天

舟發構李

玉鈎風裏起離愁，荷帶鶯花護遠舟。一夜潮聲流不盡，短篷

載月到蘇州。

馬恒錫

字久廷號愛蘿平湖諸生著古直廬詩

神仙土

以鈴山所見作詩遺大令殷公

客舟夜泊鉛山渚，風利如刀雪復雨。忽聞兩岸哭聲哀，官府催租吏排戶。吏如虎，民何苦。安得粒米供吏餐，釜中熬得神仙土。神仙土產黃浦，其色焦以黃。其味澀不芳，昔者神仙憫民荒。山中點石充飢腸，今年夏旱秋不成。禾苗槁死及豫疆，鉛山民貧地苦瘠。經冬無粟輸漕倉，舊令昨已去。新令今甫來，紛紛火符下鄉井。撮土以外何有哉，我聞此事三歎息。餬口天涯久行役，浙東西江南北沿途輸輓正賑饑。哀此窮簷不蔽澤，嗚呼民命懸長吏。求牧與芻詎無策，君不見汲長孺。

嬌制發倉君不忤又不見鄭監門繪流民圖乞君恩

韓戴錦

字怡菴號柘田平湖諸生著寶墨齋詩鈔

晚眺

一棧水墨閒蠶豆幾剪輕紅放鳴桃又是江南寒食過柳花如雪點春袍

潘學山

字立旃桐鄉諸生著虛舟吟草

客夜

客館正無寐俄聞啼夜鳥古牆殘月冷虛幌一燈孤老至文偏壯秋來病欲蘇窮途愁伏櫪未肯歎頭顱

姚夏

字大野號兩溪桐鄉諸生著石經堂詩

朱彭曰兩溪爲張楊園先生高弟生平敦本務實行年六十自記有七十餘卷著楊園先生年譜兩溪文集十卷石經堂詩五十七言各一卷今七言已缺惟存五言

夜起寫懷

鄉書初寫就夜起不成眠心事如相語懷人在眼前邊霜寒客枕江雨夢歸船鼙鼓何匆次悠悠未曉天

寄吳幼輿先生司李桂林兼懷長公詠思

可念吳夫子蒼梧雲樹間一官初白髮雙屐幾青山猷猷秋茶散趨庭春晝閒炎方多瘴癘報政早應還

歸自夏州途中寄磁州張上若

滏陽曾作客景物道如何出郭荷香遠登山柿葉多文章仍鄰下風俗近西河張緒耽高隱朱門掩薜蘿

劉鳴玉

字封山號鳳岡山陰諸生著梅芝館詩集

越風鳳岡才質既敏學殖亦裕兼通經事工篆刻鉅公先達咸以國士器之乾隆壬申學使徵良充選士為郡守所阻貧病相繼中道摧折才人厄遇古今同慨

陸虛詩話商寶意詠菜花云小朵最宜村婦鬢細香時
上美人頭鳴玉與童二
樹陳芝圖號越中三子
畫漁餘話鳳岡楚遊時有遇風律句云欲知舟過道士
泐絕似兵塵和尚原綸黃雨也名適獲其偶令人閱之
失笑其情老館集外又有羣盲評古圖七古一篇亦涉筆生趣使揚誠齋復起定當把臂入林
自雙龍冰壺二洞間望朝真洞作

名山卽人面洞穴乃七竅風雲布精氣吐納亦殊妙始過英
蓉峯水石益清峭萬水聯朱藤八神植羽霧巖丁忽軒豁琅
函祕元要小舟入竇深仰臥藉燭照石髓凝崢嶸玉芝薌竇
篠華蓋張仙衣龜蛇守丹竈最愛洗經硯垂乳滴難燥一罇
天竈開亭午日影倒白龍射重潭岌岌巨石掉珠簾凍金牀
寒猿慘不譟側聞洞元天千柱羅堂奧瓊蕊香可餐漢女靜
宜笑呼吸地肺通或恐接圓嶠攀蘿望其顛暝色畏虎暴傾

觴煮白石小憩聊自勞

永康松化石

老龍千歲餘挺立身帶甲風霆闕喧厯雪霜被颯沓仙翁霍
桐回甦醉臥清嘗壺中一粒丹乞與換鱗鬣大者古丈夫偃
蹇要人揖小者若猿雛蹲踞上几榻我來金華遊所見頗重
疊重是歲寒質縮手不敢狎我堂名石請風月自酬荅離離
數修簞琤琤互摩戛安得玉玲瓏中央一株插歸袞正空囊
輕舫待君歷

古鏡篇

蟾魄垂蘇蟾胎死寒芒曉溢靈湫水燕昭華表默無聲白日
啼呼失山鬼當年模範勞化工沮渠身毒將毋同神人手鍊
方丈上仙妾騰搖秦帝銅樂昌未破遭輕擲珠粉金荷更誰

惜古墓香魂悄不眠暗攪幽花泣寒碧葳蕤雙鳳宛頽頽
龍天矯當中央有時夜黑雷雨入屋梁熠熠飛清霜揚州新
樣行宮馬金葉銀花滿空下只看小露半輪圓百里秋光影
如寫入土出土知幾年還同明月上青天腐儒有鏡磨不得
匣底塵封金鑑編

題羣盲評古圖

一人白睛額生瘦手揣花瓢認瓊鼎一人偏眇懸而癯暗中
摸索虞歐書一人交睫若占卦鯢鼻摩挲寶臺畫一人拍肩
耳側聽以指揮響柴窰餅一人書捧卯明讀一人歌擊漸離
筑其餘三人無所作坐論京房郭公課洪厓幞頭著意求孔
子革履焚不收竹書蝌蚪出壞壁玉劍輶轡來發邱豈曾親
賭威斗銘但須略識芒筒聲扶牀窳室辨日月蘊火白晝燃

燕膏猶能自詡盲
賈胡評泊莫分尺
垂餘說可賞玩兩
顛倒
纍纍聲價由糟枯
耳聾偏要逢人聒
足跛轉喜登山滑
醜姬
更愛弄脂粉學笑
慣能矜筆札可憐
不遇周師達目中
金篦
誰能刮

題吳小仙松陰二仙圖

前峯白雲待已久
笑拍雙肩一招手
長生木瓢貯何物
試叩
丹經不開口綠毛
被髓青瞳方戲揆
榑葉成天裳松梢
鶴叫
忽驚去于歲茯苓
吹古香

舟夜

殘夢不離水月寒
霜滿篷蓼葭孤榜
白蟋蟀夜燈紅心
跡攔
琴在年華攬鏡空
終憐黑頭日辛苦
負三公

茶花

庾郎素業綠盈疇。播漾黃金露未收。半畝只邀貧士賞。一生
不上美人頭。晚菰早韭須增態。戲蝶黃蜂漫作愁。知有元都
無限恨。桃花開盡見曾不。

玉壺洞

千年蝙蝠慣餐雲。洞府簾虛雪瀑分。金匱有方畱上藥。玉書
無字隱靈文。波濤忽向松梢起。雞犬遙從谷底聞。擬其龍威
尋舊侶。坐攜仙酒醉茅君。

社日舟中見新燕

故園此日見還稀。偏向天涯傍客飛。翠幙久辭休問主。蓬門
猶在敢忘歸。暫來暮雨帆檣近。莫訝春風巷陌非。應有停鍼
思遠道。可煩傳語到烏衣。

聽琵琶有懷

檀槽生澀響駢闐似聽參軍蜀國絃銀蠟夜銷金雁驛錦帆
春滯玉雞川驚沙颯颯衝簾起微雨瀟瀟落枕旋更唱江南
紅豆曲一聲腸斷李龜年

孫石林荷花障子歌

虛堂六月涼颼至颼颼晴波撲空翠折葦枯楊勢接天鬼翁
雁子翻爭戲細看乃是荷花圖石林兩印連名字道人家住
湖山隈門前碧玉長潏洞黃螺細酌不知數三十六陂秋未
來吳娃採蓮蘭槳閒羅裙裁葉花爲腮風清月冷不歸去嬌
唱一聲紅袖偎不知近入君屏障翠蓋翻翻向空上鷺溪半
幅剪吳淞欲畫先應度尋丈須臾墨藩徧淋漓太華雙峯屹
相向羈民熱于那忍別汜人淵客俱惆悵猶將餘技作盧荻
亂葉縱橫簸風浪風標已令大有妬蕭疎直要濠梁讓畫成

袖手興未闌但恐水氣凝高寒紫髯青眼卽無恙歸去五湖
唯釣竿

青藤書屋同金守谷先生

酬字堂空月光死櫻桃館傾嘯書鬼寒藤一幹猶擎雲引蔓
垂條覆窗几藤根怒走石罅穿山人去此凡幾年天池一勺
坐觀化玉清舉人直散仙生平每笑樊宗師跌宕文史同兒
嬉鬼語往往驚李賀醉墨忽忽欺張芝盧家謝家兩小兒麾
斥王李猶鞭笞丈夫失意貴獨立安用自取樊籠爲轡門夜
開迎布衣書生瞻略開府奇惜哉破械窺蒼冥腳病風還
可悲人間但道科目重身後徒嗟書盡垂卯金詩人心好奇
卜居不折青藤枝秋蛇春蚓古根在荀婦薪翁識舊基君不
見彭山先生讀書處油菜花黃少人住遺跡空傳賸石碑不

兩浙輞軒錄

卷二十六

十一

及青藤屋旁樹

李彭白先生天池山人經師也耕舍在禹蹟寺旁舊藏郡志天池手書石碣尚存今爲寺

僧占作榮園矣

劉大申

字來嶽號柳村山陰諸生正韻子著柳村自鳴集

越風柳村爲宛委先生家子負才學嘗自題齋壁曰有工夫讀書便爲造化得功名到手纔是文章其典趣如此克齋志以沒

書燈

苦雨酸風夜殘膏對一編眼光時並落心火已同煎照得千行字消來幾許年不知誰誤我寒極未曾眠

初抵處州

暫息東甌駕霜林葉已紅花宮一水外茅店萬山中地僻人煙少城荒虎跡通荀輿吾已倦只擬掛孤篷

劉大觀

字巖雨號達夫山陰歲貢生正韻子大申弟著胸臆詩集

越風菊塋長身玉立博行裕才與兄柳村弟柳亭在西
園社中有三劉之目乾隆丙辰邑宰劉公宴薦舉孝廉
方正以服未闕辭不就庚申秋杪訪子潤州官署予贈
以四詩中有句云老筆難兄擅雄才令弟標宛然成雁
序未肯作蜂腰茲
從西園初刻選出

秋柳

此柳不堪折可憐秋又深漸添憔悴色難綰別離心霜落旗
亭冷風吹野岸陰灞橋餘幾樹淒絕暮蟬吟

秋山

林疎平野淨天曠遠峯奇白愛雲歸後青看雨過時遙知幽
谷冷應有斷猿悲閒却閑人手高寒不入眉

劉文蔚

字伊重一字豹君號枏亭山陰優貢
生正誼第三子著石牕山人詩集

越風山人為宛委先生第三子性真摯與人交未嘗有
所忤戚友告急者雖家無餘資必力圖以應久困棘闈
舉優入太學譽滿都門以親病南返教授里中又曾主
講睢陽文正書院數年歸南北門下士科第相繼而山

人獨以明經老謂語之工能貫通古作家風旨而
自出性靈自弱歲至白頭與余論詩最同臭味

舟入峽山望飛來寺

峭帆入雙峽急水舞澎湃振舵如有神曲折走清快峯歆嵐
影交石蹴浪花碎危厓屢開闔高樹幻明晦古剎恰飛來縹
緲俯寒瀨結構倚層巖神工頗幽怪纏綿羅薛深園合松杉
大夕翠擁窗扉朝煙結幡蓋山僧爾何修日夕據圖繪昔聞
二帝子於此闢荒薈一去幾千年遺踪竟安在空餘林壑奇
終古畱蠻界翹首眺元關倚篷發長喟清磬忽穿雲前途正
微靄

姜雪園大令邀同潘紫方太史王丈晉逸冠雲遊鼎湖

山

昨登七星巖探奇苦未足耳聞鼎湖美得隴更望蜀主人展

勝懷同遊盡名宿一徑入榕陰光照鬚眉綠水田集鳬鷺芭
蕉映茅屋遠見鼎湖山鬱鬱雲端簇程無十里遙徑有千盤
曲泉流繞幽蹊花香媚蒼麓緩步陟其巔翛然肆遐矚突兀
臺殿高崢嶸獅象伏老僧惠遠儔相邀啜寒玉促席就重陰
參差倚松竹鼻觀妙香聞諸天雲氣馥不信百蠻鄉得茲極
樂國高談色是空母乃太庸熟何如放長歌流響徧巖谷徘徊興未已更看龍潭瀑珠璣噴迴風泠泠洗煩溽天涯獲勝
遊頓覺隔塵俗生憎鳳嶺鐘催歸何太速揮手別山靈夕陽
隱喬木

養蠶詞

紅蘭作花春欲老郭公聲裏山蠶小半晴半雨葉初肥三起
三眠忙不了眠苦深閨又一年釵荆裙布倩誰憐明朝軋軋

縱車動做得新絲值幾錢

楊子洲卽事

楚波不動灑斜陽
蘭橈宛轉隨廻塘
鳬鷺拍拍點空碧
礮車倏起天無光
狂飈挾雨穿篷急
伏弩競發戈矛集
海若掀騰萬里潮
蛟龍怒捲千堆雪
長年屏息心忉忉
孤舟競走爭秋毫
嗟子何事狎風浪
命輕幾欲同鴻毛
濤聲忽逐雨聲啼
鳥啁啾弄林杪
一笑推篷雲亂飛
遠天如夢青山小

遊顯聖寺

心隨白雲遠行愛綠陰
涼蘿影動流水鐘聲寒
夕陽草深樵客路花艷
老僧房任意看山坐時
聞結願香

登潯城北樓

西風吹倦客慷慨一登樓
水勢趨藤縣山光接柳州
亂帆沿

轉遠樹隔江浮太息昇平久人煙尙未稠

感舊

最難忘處粵王臺榕樹陰中一棹迴經浪白浮番舶遠佛桑
紅壓戍樓開天涯豈爲探奇到海角原非採藥來曾記西靈
官閣下數枝茉莉手親栽

查氏南園賦送杭堇浦太史南歸

烏帶離聲赴別筵南園送客綠楊天不妨暫作山中相未必
終沈柳下賢一杓且酣從事酒六橋歸放米家船劇憐此日
紅蘭署腹笥便便失孝先

劉以緒

字傳書山陰人
著黎照堂詩集

論詩

詩本性情生旋以音聲協機杼成一家硬語還愛帖降此或

不能乃爾效咕噤豈知中懷語理到還都慙老樹舊基花
曾有枝葉

吳修齡 字子延號好山山陰監

越風予延有帆帶好山中移之句人以吳好山呼之因

即為號詩七言圭泉中晚五言勝處入王華門庭

隨園詩話山陰吳修齡有句云雁將秋色去帆帶好山

移人因呼之曰吳好山好山晚晴云江皋收宿雨征雁

卷簾問野戍空千里高秋無片雲海明天落日風響馬

歸羣賦罷衫巾岸應書白練裘與胡稚威交好兩序皆

胡所作胡和其寒夜一聯云疎若星

辰白霜明鼓角乾真乃不愧孟郊

炙硯瑯談會稽吳象超尊萊小阮好山蓄橡村詩鈔四

卷尤工小詩五言如白雲隔晚磬黃葉捲歸樵小兩止

復作片雲行欲還七言如空院落紅中酒後曉山橫碧

中別具
幸韻
胡天游好山詩序畧曰子延之詩以閑遠清麗為宗疎
淡詭雅為度不鉅排界構盤之語不鳴威絕憤賄之詞
簡胡三稚威姜九芳巖

野巷綠槐滿杜門坐獨吟夏長迎客嬾貧後得交深入世選
時仙論書見古心十年歌自好爾我最知音

春雨遣懷和陸蔗村韻

客中春事縱悠悠纔到清明雨未休一夜濤聲歸樹杪滿川
雲氣出江樓山桃的的明于染隴麥差差淺欲浮西子湖西
鑑湖北幾時乘興下扁舟

社火詞效王仲初

賽社火兒扮社童耶擊鼓分旂結隊遶地來丁男蹋蹋醉起
舞神忻神怒有無間東方欲白銓光塞願神弗令山有虎父
子相守貧亦安

秣陵道上和商寶意太史見遺之作并東陳三無波

故人共千里迢遞石城秋湖海隣同調文章老舊遊蕩風吹

遠道輕轡上征裘惆悵奈淮夜空餘月一鉤

最喜逢君日依然薄宦清十年何處吏一夕潤州城燈火兼
天遠風帆壓浪輕前程更何處試聽棹歌聲

和任處泉太史移居原韻

邱壑天然不費錢山陰道上往來便綠楊塘北方千宅烏柏
郎南太史船十里漁歌歸夕照一湖春思入朝煙可人最是
雨時節新漲遙波際隔阡

佳來一曲是吟窩隨處風光近若何梅福橋頭村酒熟柳姑
祠畔落花多暮雲樓閣聽招鶴春草池塘看浴鷺更有三秋
南岸好女兒爭唱采菱歌

泉聲

聽泉經野寺嫋嫋破重林古澗含幽磬空山漲夕琴微波流

夢遠清籟入溪深喧靜兩俱默悠然見素心

釣溪東胡三稚威

十里釣溪路沿緣愛獨行遠川銜雨急細草雜煙生官閣客
微醉禪堂鐘暫鳴偷閒一來此勝處漫題名

湖上東巨淸上人

南高峯下湖水平髻螺一碧浮空明北高峯前紅桃落春寒
料峭東風作湖光山色何娉婷十里歌樓五里亭有時仙樂
逐波去畫船琴筑琵琶箏年年風景等閑度芳草萋萋舊堤
路老僧笑蹋芒鞋歸遙指白雲最深處

吳燭文

字樸存一字樸庭山陰人
會稽諸生著樸庭詩稿

王霖樸庭詩稿序畧曰吳生樸存夙慧積學枕經薛史
旁及諸子百家問以餘事上自漢魏六朝下至唐宋元
明中州海外大家詩集靡不窮源溯流反復研討故其詩不苟作亦必祈于傳

陸燿曰樸庭先生客太原曰予往訪之時先生方在憂
患中贈予詩曰舉舉江南重見子紛紛海內孰能才
有所感也令子鑑南幼有雋才予一見定交以父執事
先生先生當鑑南成名後官戶部猶自教授四方以著
作自娛晚景所著諸詩以清婉絕俗為
宗桐城宮保方問亭先生尤推重之
孫度曰吳璜字鑑南隨園詩話誤
爾吳尊萊之子今改并識于此

采桑詞

一眠食葉葉尙小兩眠食葉葉若少三眠食葉如捲風摘葉
飼蠶春起早纖纖素手提懿佳鳴鳩拂羽高梯張綠陰如帳
隔煙語上山同拜馬頭娘

采茶詞

穀雨濕天天糲糊深林啼徹青鸚鵡垂簾愁坐不能出官府
迎下催茶符今朝早起梳雙鬢東鄰姊妹行相並采茶歸去
還喫茶滿頭分插山櫻花

望都道院古柏歌

珠宮紺碧翠影交古柏拔地如騰蛟三素雲邊夜僵立老鳥
挾子時墮巢山樞隰榆唐風古種樹書中誇樂土十年之計
始何人四十二株紛可數或云堯母崩珠襦入地寒光疑化
作童童車蓋偃至今香葉朝丹陵又云神禹治水大別山遠
移健步青斑爛日炙雷燒久不死遂伴太平興國寺柏鬲人
間入門相對表靈道朝會諸神執圭瑁當階幾樹瘦不肥山
鬼立挂蘿薜衣雁眉道人拾柏子煨爐煮石石漱齒萬年回
首梁棟材如何連蠶偃蹇隨泥滓君不見曲江三月花事多
少年踏花花婆娑手敲金鑊鏘玉珂柏兮柏兮奈老何

秋日寄懷陳雪槎表兄守信州

雀網高張草滿庭西風古郡一披襟月當蝕後光逾潔別到

秋來感更深吟苦花扶蛭入夢夜涼雲約鶴歸林堂前嘉樹
應無惡記得清香散綠陰

春日晤廣陵唐再可思

歸燕東風作隊忙相逢燕趙語悲涼雨中春色隨流水月下
簫聲似故鄉塵鞅難畱騎鶴客煙波擬買種魚莊幾番淘洗
青衫淚又爲唐衢泣數行

過安肅有感

商盤曰邑爲濮
庭尊甫舊治

鴻泥覓徧總微茫如夢如痴柳數行一夜城烏頭易白將雛
飛過浣衣塘

投壺歌

珍珠紅滴銀絲落當筵細雨紛簾箔主人無語客慙歡哨壺
枉矢相爲樂司射進度前致詞二矢以半實間之順投爲入

北不釋從馬釋算無差池平空矢落琤琤響四坐無人肯拍
掌計籌浮白安足辭勝固爲歡敗亦爽倚竿帶劍真騰超就
中尤妙蓮花驍殿上舍人善激越軍中名將能逍遙古人尙
德不尙巧射禮投壺本同調專精一技通神明天帝開顏亦
爲笑彈棋公子妙角巾蹴踘之戲徒勞人魯鼓薛鼓詩可補
咽咽催出壺中春

九日西施山

重巖菊細點寒莎蠻榼都簋載酒歌四野風霜凋短鬢九秋
天地入高歌美人脂粉歸黃土山鬼衣裳曳綠蘿對景莫疑
惆悵易五湖一望渺煙波

題外舅商後翁出峽圖

玉壘與金牛嵯峨帆相對扁舟出峽來濺濤珠百琲丈人古

達士析理徹茫昧一官夔子國屢發丞哉喟懷璞感荆人爍
金受羣喙乞身強健時何必待耆艾有子足萬事無官免百
累出險復思險火輪車可畏魏塘八尺絹卽景付圖繪長年
振柁開似聞猿聲碎行行十二碁鈎連水猶滙尙憶至喜亭
一杯向江醅歸歟真大幸習坎鄙儕輩諒哉先民云急流須
勇退

蓮花洞

何年太華峯數瓣飛且墮玲瓏跗萼承宛若煇提座凹洞黝
然深似穩蛟龍臥偃僂欲進窺牽硯兜衣破芙蓉列翠屏空
明不可唾登頓亦已疲相對忘倦餓冰叔好事徒建此穹碑
大飛花不著身落葉方沒髀謾松風鳴鸞鳳相喟和試挈
胡婢來崩雲撥逆邏

和好山汝密水注歌

千椎細塋燭無跡卵色依稀湛穹碧一泓滿貯滋江絲萬斛
春泉落寒滴汨汨其來如輓轡琅然敲折青珊瑚鐵田氤氲
黑雲起此中疑有蛟龍居漢陽公子嗜奇古曾向秦淮善價
甌欲將陶旗比琅玕歌成花下親摩撫勲陶邵局已罕聞烏
泥建安徒紛紛有情欲化汝州土細碎幻成蟹爪文

廬山白衣洞謁朱子祠

南渡儒林傳先生第一人空山尙祠宇衆口枉緇磷紅鶴有
時去青松終古春匡廬初識面惟覺此間真

胡大銓

字鶴洲號左山山陰諸生著左山詩草

蔡英曰童二樹選

國朝詩葩以左山冠首臂句如江行云鳥過煙裏白雲渡
水邊窅舟中云菱花清澗月荷葉小亭風七言如喜友
到齋云新月藤蘿今日酒故山風雨昔年燈俱清峭入

格

過黃州

山圍千雉列中貫大江流赤壁歌蘭漿黃岡記竹樓乍從荆
水渡應被蜀山留莫笑囊羞澀琴書足壯遊

別同舟徐家山

細柳風吹夕照邊客中送客正淒然君遊楚地將歸越我到
荊州又入川木落寒聲分野渡月明孤影到江船欲知異日
遙思處應在巴東暮雨天

茅逸字商隱號少菊山

隨園詩話山陰布衣茅商隱客死泮城桑岐甫為梓其
詩晚村云帶蜂鴉易樹偶語客歸村山行云郭外獨
眠野草墳前翁仲帶山花皆佳句也越中故事娶新婦
至必選處女迎之號曰作姑茅詩云十六作伴姑含情
語鄰姆今日新嫁娘問年才十五

越風少菊習舉業不售卽棄去尚事吟咏貧不能娶客
食中州所遇無一合才命相妨中年殂謝旅葬汴城曹

門外母社之墟桑主政調元爲
題墓碑并梓其轉蓬集行世
蔡英曰王進士宗炎採訪得少菊詩刪計二十卷分年

自己酉至戊午得詩一千四百卅二首係茅君手鈔多
說文古字轉

目幾不可讀
漢陵石馬歌
梁隱過茂陵欲訪遺跡了無碑刻獨石馬
在草中而已茅君覽書及之作漢陵石馬

白日西落茂陵薶劉郎終古埋黃土宮中銅人易新主血淚
泔泔灑紅雨陵前但有石驂騑苔繡連錢藤絡頭夜夜長眠
明月曉三十六宮白露秋秋復春春煙冥冥火燐燐千歲妖
狐戲騎馬劉郎錯認李夫人

郭外

郭外無人處荒墳遍水涯髑髏眠野草翁仲戴山花疎雨翩

翩蝶荒煙穀穀鴉夜深聞鬼語淒切黑風斜

鼓樓破曉卽事

剛煞樓頭鼓雞聲隔巷磨數家炊餅肆一碗賣漿燈客夢車
雷破人煙霧雨蒸鳴鉦綠底事手版謁中丞

小商橋弔楊將軍再興

衰柳千條落葉輕小商橋畔水縱橫馬頭一陣金風惡猶作
當年箭鏃聲

沈翼天

字式乾號西村會稽歲貢生著西村山房集

越風西村幼與劉鳳崗同負簡牘應邑試各冠一軍兩
率互相引重壯游四方入吳元戎幕等以事誣元戎
者連及西村西村乃赴部就鞠得白吳冤義聲傳膺

銅陵曉發

遙望碧雲隆偶然得一山鷄鳴荒戍近沙沒暗潮還破夢征

帆疾遲人漁火閒始知爲客苦殘月曉星閒

赤嶼山望月

篷開月到枕面邊月小山高似昔年江上那容人作賦夢中
止許鶴稱仙淺深燈火沙頭市明滅星河樹杪天誰爲得魚
還載酒蘆中呼上洞簫船

丁

煌

字鶴泉會稽人
著會稽詩草

越風鶴泉十臺懷古詩骨氣如山嶽峻峭其設色處亦
如九梁插花步搖爲古迴非時世粧觀吳岑作瞠乎後
矣又鶴泉嘗有句云卯色晚天彈
欲破穀紋春浪浪熨難平爲時傳誦

朝陽臺

江流泯泯青天瘦峽中日月小如豆片雲縹緲朝暮生彷彿
神娥展紅袖瑤屏十二渺何極江草江花點秋色怪雨飄來
煙火青孤猿啼處藤蘿黑從來詞客皆好奇五色采毫臺上

揮多才宋玉稱神女祖述靈均邀宓妃獨有懷王情最重浮
生長憶巫山夢

案宋玉神女賦序云昔者先王侍嬖王也古今人俱誤作襄王承謬久矣

鳳凰臺

秣陵渺渺橫煙水崇臺百尺插天起元嘉集鳳已多年舊巷
猶傳永昌里大音中鼓小音鐘紫氣近拂青梧桐千載空聞
德輝下一歸惟見江雲空謫仙落筆搖山嶽喜唾珠璣怨冰
雹郎吟二水三山詩聲應歸昌與上朔

鳳凰朝鳴曰上朔夕鳴曰歸昌亦出符瑞

志騎鯨人去自終古孤鴻冷宿蘆花浦

俞忠孫

字祖臣號節實會稽人著節後詩存

湖山紀遊

雨後夕色佳春風鼓遊屐迤邐來湖山秀削越常格石作虎
豹形字鵲蚪跡下臨化象潭潭水清以碧輾僑躡細浪吹

亂殘霞色亦有桃李花芳菲媚遠客峯高翠難忍氣與青冥
逼願言陟其巔路遙日已沒空抱不淺興回眸頻佇立

袁氏舊藏岳忠武激泥硯銘云石可爲鐘硯亦得不惟

厥聲惟厥式八音之始始以嘿爲取其意歌之

囊泥激向汾水邊取以製硯輕且堅浪擊波淘絕渣滓土模
竹削歸陶甄冰霜鍊後氣彌勁膩理溫肌具真性大則發爲
史冊光次亦足紀山川勝我友生平癖嗜斯向予咄咄每稱
奇體裁彷彿華鐘式書法還饒大令姿二十一字銘簡古署
名知是岳忠武近若韓劉罕比肩遠如絳灌羞爲伍因知就
中命意深土本無聲寄在金譬彼蒲牢原善吼持筵那得宜
其音可惜始終全用嘿不寫彈章誅檜賊十載孤忠一旦燦
幾行熱血千秋碧

鄭錫

字彝章號雲叟會稽人著書帶草堂詩稿

晚渡蠡湖

心與波濤壯乘風汗漫行遠帆隨雁去晚樹接雲平陟險憑忠信觀空出死生扣舷新月上遙見九江城

長沙懷古

山林熊繹舊會開騷雅靈均易起哀草長方城三戶盡月明湘水二妃來蕙蘭何處畱香佩雲雨多情暗古臺盛世名臣遷謫少不須惆悵賈生才

送吳樸庭入都

酒滴真珠釀別離河梁欲賦且遲遲柳枝入手鳥啼處溪水漾船人散時四月黃梅成小雨一窗紅豆寫相思才名早動宣陽里不賦蒼涼感遇詩

章

崑字俞山
會稽人

小橋

負米行行野老歌
小橋風景近如何
黃眠衰草斜陽嶺
白浴寒塘泛水鵝
籬短不妨山色遠
林疎長受月光多
兒童也解留賓客
酒盡西鄰乞阿婆

陳榮杰

字無波
會稽人

越風無波博學洽聞性疎放縱談古今
醉易四座詩格清麗尤工集唐題拈韻
奏拍天成
晚歲客死三楚生平著述蕩然罕存
藝林咸惜之

龍城暫駐感病僕作

一片南游興
龍城僕又痛
旅愁逢暮慘
鄉夢入秋孤
自洗沽泥屐
誰生煮藥爐
蠻方多瘴癘
吾亦愛微軀

折柳歌

沙磧楊柳青終日不成折少婦顏如花征夫頭似雪

漢上晤張澹人

士模

卽送還越

各在天一方十載長相思會面忽異國執手問何之剪我西窗燭話此長別離願言傾芳尊以滌風塵姿詢我故鄉事片刻難盡詞幸君有昆季高堂足扶持其他滄桑變遊子無庸知歡言未及終卽以還鄉辭送君至水滸把袂立路岐反顧白雲逝孤客滯還期揮手重太息倚徙望東菑

雨宿廬江題酒家壁

際曉入深谷晴旭挂樹赤微風吹征衣四郊亂雲積雖無松栝材而有麝麋跡颯然涼雨生長天與山白龍鱗不可御蹙足困苔石沙雁落河洲寥寥前溪夕涉水寒以深登頓赴荒驛然火災行襖土店燈在壁對酒聊無言追念成往昔柝聲

終宵嗚惆悵江東客

廬江畱別王鶴門太史

聞道空山裏還家恨我遲豈知征戰日正是遠行時牢落憑誰報艱虞幸爾知驪歌且暫息遊子不勝悲

剡溪汪旭巷

晨輝

適可亭

茅亭如畫裏剡曲水溶溶山晚雲生石溪涼月到松簷飛經雨瀑門掩隔林鐘不盡秋窗意千峯與萬峯

送王丹壑

載南歸

折柳東風外金陵一送行離筵花自落別路草初平歇馬淮陰里揚帆泰伯城到家煩寄語猶復滯春明

宿虔州城外清江寺題鐸上人壁

城隅江寺古幽趣逼山村章貢白環岸崆峒青壓門客

有迹禪意月無痕一夕畱僧榻秋風冷石根

杜門

杜門如遠谷茅屋蔽青林但聽禽聲變不知芳草深微風清
簾暑斜月冷牆陰何地徵無悶空齋得此心

江雨曉霽

一夜瀟瀟雨江喧不肯休曉雲分斷岸秋色上孤舟紅蓼漁
人夢黃蘆旅客愁故山杳何處流水日東頭

送田種玉

瑛之都門

他鄉方聚首送客又寒林與子難爲別無人知此心離筵啼
鳥喚孤店亂猿吟不盡招攜意湘江相向深

武昌送王四才返閩中

王孫一笑隔緇塵白髮蕭蕭照暮春縱酒不妨千日醉耽書

宜到十分貧
幽蘭澤畔真漁父
紅荔山中老逸民
自此楚江
芳艸路芒鞋
竹杖更無人

客中見柳有憶

最恨長條復短條
拖煙拂水已魂銷
不知湖上垂垂線
綠到西泠第幾橋

久雨

久雨天如夢
惺騰總未明
苔痕青有暈
荷葉敗無聲
屋漏頻移榻
燈寒只照檠
徒勞酒兵健
難以破愁城

宿赭阜題酒家壁

秋陰荒店冷
繫馬入巖扉
拂檻青山起
隔簾黃葉飛
雨中書近句
燈下補殘衣
今夜故園夢
雲深何處歸

周道孫

字待行號康節山諸生

蔡英曰康衢師勤學慎行
性樸茂詩文亦如其人

松隱庵

深藏衣鉢嶺雲遮
小築乾坤別一家
藝稻自蒸香積飯
鑿泉不飲趙州茶
秋寒虛壁三更月
春暖枯禪幾度花
有客談空忘日夕
滿林松影照晴霞

陳

勳字思陶號渡崖諸暨副貢生著自鶴山房集

水閣移得菊花二本

霜葩奇絕品難儔
雨色平分一半秋
大似機雲同入洛
儼然郭李共登舟
玉盃滿滌鶯黃酒
金帶輕裝狐白裘
誰是山人

謝秀嵐

字南銘號漁餘姚

山居詩話謝雪漁味重臺紅梅七律豈綠冷淡少人看
玉骨層層與換丹只七字中梅字紅字重字無意不到

又題趙孟頫松雪讀書圖不知曾讀離騷未錯認王孫
是恨人何等風致江津夫作草堂雪漁爲題四言八章
中如清琴月上殘花雨餘江濤山來河流天瀉慟絕窮
途一壺誰假雞犬村通參辰星各懷焉詩成屋梁月落
卽陶公停雲
且當避之
鬼亭詩話雪漁詩筆清麗近日姚江風雅鮮有繼之者
其西湖竹枝云願郎心作湖水平儂是湖山一點青儂
在郎懷山在水任他風浪自亭亭又咏新燕云簾外一
聲聞軟語花前雙影見初飛又贈燕云眼前多少典衰
感話到斜陽尙未歸皆宋元人佳境也從來新婦曰新
媳婦越俗譌爲新新婦雪漁詩種得桑秧養種魚三春
活計賴柔絲明年要娶新新婦雪漁後添栽五十株因俗
例頭年媳婦必養蠶名新婦蠶雪漁可謂善爲土風矣

雪夜

銀河瑟瑟波生骨風刀碎剪冰花白雲樓噴散落塵寰湧出
瑤池涵月魄桂凋兔老杵聲寂巢重鴉啼翻東翮更深爐火
漸凝灰一盞殘釭昏蠹冊玲瓏清影窗前曉藤古白鬚垂鼻
裊銀海蒼茫玉壘高簾與無路梅花老

王世芳字嶽德又字芝圃號南亭臨海歲貢生官遂昌訓導

隨園詩話浙中遂昌訓導王世芳年一百十歲入都祝

壽 賜翰林院侍講銜還鄉陳太常星齋贈詩云華皓何來雲水

寵加新秩返扁舟酒錢未卜憑誰與壺藥翻叨為我投薄宦

夢驚山北散仙行逐海東鳴鶴留佳話傳壺閣會與

書英大父遊王而長尺許腰若植鰓自言少居鄉遭狀

逆之變與諸妹豆棚閒坐一快頭忽不見蓋為飛砲擊

去也與弟三子同來白髮飄蕭背轉偃僕問其

長子曰不幸天亡矣問天亡之年曰八十五歲

特旨給六品頂帶建昇平人瑞坊乾隆辛卯赴都祝

壽賜國子司業銜在籍食俸入香山九老圖復

御製詩以寵其行海內榮之朱司業春圃集句贈云

天子非常賜顏色先生有道出

一百十歲述懷

建子星回斗轉寅居然一百十年春灌花拭竹閒中課閒水

等山物外身擊壤但知歌

帝力炷香惟有感蒼旻桑榆筋骨還強健歷數前因話劫塵
扶杖康衢識

聖顏錦衣有賜

詔頻頒喜同野老迎

縵帟優許微臣列鷺班身歷

四朝沾浩蕩眼看六代舞斑斕赤城便擬蓬萊苑布襪棕鞋

任住還

虞熙傑

字俊臣一字可復義烏歲貢生官麗水訓導

九日登武巖山

攜杖蕭然野鶴心偶從汎菊入嶙峋巖後已識前途客樹鳥
猶呼舊主人欲覓樵枰閒白日且敲石火煮青蘋牧童也有
仙家韻短笛吹殘半塢春

雨浙輜軒錄

卷二十八

五芳虞熙傑

鄭若楹

字家升浦江人著

鍼指血

義門第一世祖諱綺面黑如鐵目光炯炯射人

獄不得

見號泣奔視以頭抵獄門額流血被面獄吏義

之使見

復具狀上州刺史錢公端禮乞代父刑寬孫此

自母張

嗜溪泉天旱盤溪不得泉跪溪旁大慟泉忽涌

出俄濫

丈餘今溪畔有井號孝感泉即此也張卒臨窆

大雪仰

天泣禱凄苦不可言狀厥明雪勢未止迨喪車

詣冢冢

雪先融其旁封積如故妻丁氏饋食稍緩張走

甚丁有

後言即出之重娶阮氏有子閑與嫂不相能又

出之康

強無疾一日晨起沐浴召子孫有先祠以鍼刺

大指出

血滴酒中與眾飲誓曰吾子孫有先祠以鍼刺

時聚食

者天實殛之言畢又手正容立久而不動就視

之則已

逝矣其後子孫同居

十有四

世義門實基于此

鐵面

處士目如星孝弟之至通神明為父號冤冤獄平為母

禱天

天亦靈一出妻謝母氏再出妻謝妙氏出妻不顧妻有

子扶植

名教真奇男十世同居從此始一指血十指通刺指

出血血流紅一鍼一滴滴酒鍾十指百指千萬指縷縷血脈

一氣通徧飲子孫誓祖宗分財異樂神須殛衆人諾諾不敢
逆立身不動笑而絕

陳聖澤

字雲嶠西安人著
橘洲近藁四卷

閒居作

破浪乘風願已違聊從人外樂棲遲重門客到琴先覺深院
花閒蝶未知老去蛾眉休巧笑病來腰褻懶驅馳高陽酒伴
如相問一枕華胥日影移

郭香浦司馬柱顧草堂

雙旌冉冉歷窮鄉贏得看山向夕陽散去倉儲迴蔀屋收來
風月滿奚囊會無好竹畱佳客幸有梅花對省郎千里聲華
空冀北敢云知己在文章

東泉

東皋去歲稻苗枯南陌今年麥有無
野鳥不知年歲歎猶從竹裏喚提壺

酒熟招家賞侯徐采朝

釀得梨花壓九秋糟牀此日喜新
篘無邊春色浮天外不斷泉聲落
甕頭荷鋪柳爲十日飲狂歌澆盡
百年愁高陽舊侶能來否從我醉
鄉汗漫遊

陳一夔

字賞侯西安人著

碧溪詩話陳賞侯二石近稿二卷與陳雲嘯桐州近稿
四卷合刻爲一編二陳之詩雲嘯長於七律賞侯長於
七古佳處各不相襲而間多趁筆成篇措詞粗率之病則兩家同也

偶成

有月卽乘興無人但閉關
世途多白眼吾道屬青山
村酒聊復醉園花日以殷
置身在何許材與不材間

蔣拭之

字季著鄞人乾隆丙辰進士改庶吉士

袁鈞曰蔣拭之庶常散館歸班常以知縣用年已七十矣遂不復仕家居三年而卒

雨次出壽邑

小邑拏舟出居民水四圍溪流寒迸石山雨細沾衣水落千

峯靜江空一雁飛翛然脫塵鞅計日到柴扉

周應宿

字宋為號葆山山陰人乾隆丙辰進士

越風葆山先生為百帆學士經師余之父執讀書安貧

晚而登瀛旋即出率多惠政循聲沒後句容士庶有經

千里而來弔者可方
五泄歌送客遊五泄山

海上凌三山微茫弱水長迴環越中遊五泄金碧諸峯互明

滅五泄嵯峨跨浙東青蓮窈窕摩蒼穹天台雁宕屹相向勢

如鼎足來爭雄初泛扁舟越溪曲面面芙蓉鏡中綠長風縹

兩浙翰軒錄

卷二十八

陳蕤黃拭之周應宿

五

縹吹石帆疎雨霏微洗天目石帆吹不動天目洗更開宛委
明霞會稽雪片片飛入靈泉臺忽然湧出雲錦堆崩崖殷谷
怒轉雷鬼斧玲瓏削寒玉層陰驅盡前山來仙掌驚濤轉危
石倒挂銀河五千尺四時不絕流電光影動斜陽亂相射連
蜚雌霓乘雄虹星芒日角上排空白練經天瀉萬壑散爲石
氣青濛濛莓苔繡紋碧磊磊百折盤渦見光彩攀援絕頂尋
靈源直下雲峯噴珠海問君往遊誰相親御風高岸華陽山
空山寥廓渺間見惟餘瀑布萬丈垂天紳此水從何來恐由
雲漢津我有扶桑倚天劍一言相贈隨君身

姚述祖

字思成山陰人敬聖孫乾隆
歷城縣志述祖由濟陽調任歷城稱神明不輕於用刑

嘗曰三木之下何求不得雖案無疑實終不敢自信也
凡有大疑獄上官悉以屬之所謂反不可勝計立
義集于東關免其稅民賴之至今稱姚公集云

沈員外宅觀周璚畫龍障子用杜工部漢陂行韻

璚畫龍何太奇宛如竹枝投葛陂重雲黯黯起膚寸天開
半壁青琉璦未審何年破壁入但覺毫端風雨集相看咫尺
萬里餘奔濤急浪迫難及省郎高第當畫開長安道上多氛
埃安得披圖作烟霧俄挾猛雨如山來彌漫六合人不測
幾
几油窗乍拂拭夕照將回北閣紅殷雷尙轉南山黑吾聞龍
行不見山蜿蜒變化須臾間濃陰未捲紫極殿餘氣已出黃
龍關多君探龍能得珠神靈彷彿當軒趨葉公好尙知能否
別君雌雄定有無畫龍既久真龍至見畫真能豁人意曾繇
既逝奈爾何凡鱗庸骨何其多

俞調元

字祇文號變齋海寧人良模子

李宗文

字曰變齋爲先子丙辰所取士初爲山左雄司蝗

蠹食麥爲文

稿劉猛將軍廟有蟲穴地而出銜蝗入穴

卽化為蛤借出復入數次盡化為蛤矣未幾秋水密稼
履畝踏勘陷入河中隨流而下遇救得免桑受市工部
贈詩云掃除螟螣風前跡騰出蛟龍浪裏身是也令濟
陽旣以卓薦擢刑曹矣秋霖河溢漂沒田廬卽勘實請
賑郡守輒以他縣未報詰之變齋言成災卽應詳報何
暇關會他縣某數日卽行豈有私乎卒得賑及守汾州
王師有事金川晉省助餉百萬汾屬應輸三十萬乃集衆於
城隍廟出矢言衆踴躍爭輸終日而畢旣解餘平銀數
千兩悉按冊分還之一錢不入私橐時予同年朱石君
爲方伯謂人曰此山右第一賢太守也攝糞寧道稽查
驛站以勞卒官彼汾人士至今思之

望天門山

壺頭山勢高穹窿烟嵐凝結凌青空山腰誰鑿石橫破雙扉
洞達中玲瓏旁有崇山及圓頂峯巒圍抱經千重傳聞方壺
相彷彿至今來往多方瞻攀援我昔一登陟筋疲力盡終難
窮縈紆盤磴知幾許奇險祇可猿鳥通平生雅有山水癖朝
夕相對情逾濃方壺縹緲不可卽茲山真足開心胸終當鼓

勇人天闕徘徊就覓神仙蹤

朱

荃

字子年號香南桐鄉人乾隆丁巳舉博學鴻詞官編修著香南詩鈔

湖上送家兄入都

幽鳥喚春春又闌六橋烟柳簇征鞍客途再到悲歡異樽酒
相逢去住難五夜雞聲驚昨夢連朝花信破輕寒停鞭不盡
蟬聯語回首高城夕照殘

孤山題壁

湖光深處石欄斜小樣山亭俯砌沙芳草白雲高士墓杏花
紅雨野人家尋僧路人梅千樹放鶴舟歸水一涯有客行吟
忘日暮隔林啼煞未栖鴉

放榜之前夕示諸分校

珠沈海底費搜羅深夜然犀照碧波寄語羣公高著眼青衫

明日淚痕多

高瀛洲

字翰起號縣國晚號頤圃仁和人乾隆戊午舉

陳鴻壽曰頤圃先生與先祖為僚壻余又女孫壻也先
生乞養歸里後遂不出與錢瑛沙吳崇田金海住胡桐
峯顧涑園汪槐塘姚素山成武施武歲陳摩村諸前
輩結文酒之會一時比之香山洛社今十餘年風流銷

矣

晚次順德逆旅主人折芍藥佐飲輒邀汪凝之同年各

賦一律

惜別殘春又一年風光收拾曲闌邊不圖婪尾關心日正值
扶頭到眼前霧縠淺籠肌理細雲鬟微帶睡痕偏分明解語
無人會說與將離劇可憐

重和芑潛孝廉臥病之什亦以自廣也

不信閒愁默默同更堪春雨誤春風一環苔蘚旋堆紫無數

蜻蜒欲鬪紅小病怡從忙後補劇談休放醒時空人生合有難分侶藥鼎茶鐺盡日中

登襄陽文選臺

帝子矜元覽蒐狐集腋時靚風憑道古邀月罷繙詩直擬千秋式偏成八代衰只今耆舊盡烟樹任迷離

賦燕和儲二玉函韻

雕梁小壘漸泥融修尾長襟鬪翠紅不愛高飛愛雙宿晚簾消得月朦朧

鍾鳳翔

字千仞號梧村海寧人乾隆壬戌進士由翰林改東明知縣調任邱著梧村詩草

玉帶橋

在東明縣北門外

漆水繞城流烟波古渡頭長虹天外起盡舫鏡中遊柳菴板
簪岸歌喧賣酒樓魚蝦乘早市不讓洞庭秋

兩浙輶軒錄

卷二十八

高瀛洲鍾鳳翔

謝閻祚

字悅如鎮海人乾隆壬戌進士著濤山詩紳

張介石暨明則從弟各以詩稿屬點定

垂髫學爲詩了未窺秘鑰失業復經年今并不昔若以此靜
自愧終歲罕所作九月好風光黃花弄綽約珠璣雜沓投先
後懷間落張君妍雅士氣象本臺閣沈浸六籍中英華自咀
嚼明則尤詩豪奇句險可鑿彷彿家雞中覩此九霄鶴二君
鼎足誰憐予質孱弱昔誦廬陵詩蘇梅屢酬酢謂如左右驂
至語非戲謔以予視古人形影祇自忤願如蓬生麻勉力相
攻錯

趙

賢

字端人號淺山錢唐入乾隆戊辰進士官永順知縣著淺山堂詩文集

杭世駿墓志略曰吳山之麓有淺山君所居近因以爲
號與予同修新志修廩無支離之言成進士授縣令得
湖南之澧陽民買田宅書契需官印鈐尾稅多隱漏或
列其戶名因數于上止昭君以厚利君曰吾甫下車郡

破千人之產不祥莫大焉條教下里各限以一月投稅
民出望外爭先輸納匝月而畢治有古風洞向爲羣盜
淵藪中丞命君密察之君廉其虛并及境內諸洞久皆
堵塞且力任詰奸之責以循卓調永順竟以勞瘁死於
官

九日懷全謝山

詩人已在濠梁外秋水秋山想舊容
箕岫鶴飛雲朵朵湘江雁度月重重
黃花解爲離情瘦白雨偏如客思濃
憶著風流尋陸弟登高雅興未全慵

渡江卽事

一夜江邊春水生大風吹浪打船聲
夢回只覺衾裯薄窗外金焦粉點成

小船如葉復如杯一箇山僧似古梅
背著夕陽過野渡雲峯缺處鶴先回

壽葉鶴塗先生

洛

六十次丁

敬

元鎮

草元亭上許誰尋問字過從我最深
瀟灑梅枝名士韻清醇
酒味主人心常開絳帳數晨夕獨抱長編閱古今
此日棗弧懸戶在只將佳紙索新吟

畫壁旗亭處處同邇來縱跡轉西東
十年京洛應憐我半世文章已負公
好瑟吹竽徒笑拙還珠買櫝未全工
尊前幸有如澠酒酌向空山送暮鴻

題金觀察

志章

漁浦歸耕圖

廿年萍跡任西東薄宦初成理釣筒
一笑相看琴鶴外十雙印在畫圖中

無多桑柘繞花庵遠岫環邨得靜探
行過牛宮豚柵外勝他騎馬趁朝參

查孝廉

爲仁

惠龍井茶二器賦謝

風篁嶺畔千株樹
新火焙時正暮春
滿酌一甌頻悵望
與邇同作異鄉人

秋草

南浦青青草
秋來色不同
未堪燒野火
先已怯西風
露重寒烟裏
蟲喧細雨中
裙腰湖畔路
憔悴斷橋東

秋日寓居感懷

如練秋河欲二更
松牀蒲薦一燈明
瓦溝得月添霜色
庭樹留風作雨聲
意馬有程馳恨枕
酒兵無力破愁城
段家橋下西湖路
何日歸尋溫鷺盟

早歲梳翎慕碧霄
到今回首路迢迢
怪人好作儀同面
顧我偏羞彭澤腰
秋蟀春庚人鬢改
蘆簾土銼客魂消
可憐羽翼

摧殘後一片傷心逐暮潮

許寧基

字心宗號右樹海寧人乾隆庚午舉人著右樹草

俞思謙曰右樹為思晦大令子竹人侍御仲弟少有聖童之目長工詩詞才名藉甚庚午年十七舉順天鄉試

呈

次年得咯血疾又三年卒僅逾冠耳

陳鴻壽曰右樹先生為先慈同懷叔廿年壯跡名易落紙千言傾襟一座兒時問吾母言之最詳又從外氏鈔讀遺藁凡詩詞四百餘首論史激昂言情秀婉先生風範彷彿得之行間字裏也其題竹人圖應伯兄命二絕句云勁走蒼龍未可馴居然人有竹精神頭銜異謀風流甚不號詩人更酒人老葉蕭疎後黛勻雨餘描出畫精神家園新筍年年發燕子來時不見人先外王父以未二語竟成詩識書其後以志痛才人命厄豈不然哉

偶感

擎花攜酒任消磨清興偏於冷淡多莫道文章工應制何曾
魂夢解登科一時豔說凌雲賦舉世翻嘲斫地歌三載春風
見臚唱馬蹄草草杏花過

曉發清苑

人共朝雲出城留曉月看笨車空歷碌野况覺酸寒客有摧
勑慮居無煖席安何緣慣馳驟儂本住江干

盧生祠

海上蓬萊本無有神仙亦是夢中身直應看到天翻覆從此
人間大夢醒

大梁懷古

貴介親勞執轡迎引車屠市話平生奇謀慣自飢腸出冷笑
難從肉眼爭食客三千恩獨重行年七十命原輕大功未報
身先刎公子何心受五城

流盃亭下晚風徐吳蜀詞人盛曳裾家學舊傳枚少孺賦才
獨讓馬相如平臺文藻稠雲霧梁苑春光細草梳盡說孝王

能養士鄒陽猶上獄中書

隋宮陳迹悵依稀大業興亡事已非千里淮南柳陰直半帆
汴渚漲痕微中原有路春難到滄海無家人未歸欲上長堤
望京國桃花開遍燕初飛

梅魂追次元人韻

臥傍雲隈復水隈片魂飛去上瑤臺前身應爲多情死短笛
誰將喚恨回春色剛從愁裏醒美人惟遣夢中來林逋葬後
仙塵遠澆冷頗黎酒半杯

淚追和義山韻二首

拭透鮫人一幅羅悲翻楚水條成波眼穿白骨癡無奈酒入
愁腸感太多不信芙蓉爲君死用孟郊詩莫持薤露向人歌山來
此恨誰消得濕盡衫痕染佩珂

遷客荆門弔汨羅
靈妃筠管怨湘波
梨花春雨啼魂數
桂子秋風落魄多
郎面近來新見夢
君恩何處遠聞歌
千行滴盡無人覺
細問腰間白玉珂

病馬追和曹唐韻

朔風勁剪鬣毛齊
聽鼓猶思趁倦蹄
踏破三邊心未死
癡深百戰氣難低
長城窟底愁凝血
大渡河邊惜障泥
縱使他時終覺陣
向人慎勿便驕嘶

倚衣曲次元人韻

征人關外歸鴻少
織女機頭秋信早
秋來那惜妾衣單
寒到君邊衣未到
鳴梭拋後淚波新
持出前灘月更明
短杵勞勞憐妾意
寸腸敲碎不停聲
錦衣有情教歌舞
鐵衣無情棄塵土
更愁君著憶家深
洗淨啼痕千點雨

蟬次義山韻

歇後有餘韻鳴時無變聲長言向誰訴強語拂人情抱轉丹
初就彈琴撥不平廉名從古忌衆濁爾偏清

禪答

羽蛻汙泥後憑虛寫恨聲苦陰原有託仙子豈無情高處何
曾穩秋來最不平露寒飢欲死相戒莫徒清

偶成

莫道千秋事可盟論癡今已悔平生要知才亦生前定何苦
名從老後成身在夢中姑逐鹿神遊象表說飛鯨偶然一墮
風塵裏誰許風塵物外行

陳橋驛

颿借微風到岸遲陳橋十里落陰時勿勿王業談何易兩雨

孤兒失亦奇天子豈教人逼迫史臣莫道帝驚疑袖中禪詔
何時草擬問陶公仔細知

邯鄲懷古

平原佳公子結客兼羣布意氣寧不豪相士良已誤虛聲何
區區直得黃金鑄長平十萬師草草委衢路秦軍壓城下倉
卒誰當訴事幾敗乃公謀忽及其婦碌碌囚人成詎免毛生
喙客從大梁來曾拜信陵墓侯嬴抱關吏溷跡晚方遇豈繫
趙無人毋乃求未預耻從賣漿遊羞與博徒伍履綦徒紛紜
臨難各反顧豈特約楚歸事往始奮悟昔讀趙世家慷慨亦
生慕徒以濁世中翩翩足比數龍門史筆嚴斟酌重毀譽有
酒何處澆迴望夷門樹

邯鄲重過呂仙祠有感

道力仙風媿不如再迴頭處又踟躕
騾車日載還家夢要是情根未破除

戚朝桂

字弁亭號約齋德清人麟祥子乾隆庚午順天副貢生官廣濟知縣著芋園詩草

和答輔亭見寄

那堪羈客嘆離悰不是悲秋已減容
竟日有懷成獨語通宵無睡倒千鍾
文通善賦尤工別叔夜除琴只解慵
慚媿江郎多逸興筆花開處墨花濃

自豫中解任南歸

敢道淵明出世才折腰五斗早徘徊
青山有意招歸棹黃菊多情待舉杯
世上浮雲何足問鏡中白髮每相催
江南處處饒風景不爲尊鱸也合回

病起訪祝祁堂不遇因過睿師閒話

積病稀相見扶筇訪舊朋溪風侵瘦骨山路滑輕冰不遇
中客還尋月下僧一杯茗話久香炷佛前燈

遣懷

放逐歸來已十春老仍不改性靈真手低愛著新碁局量減
貧尋舊酒人賃屋一區長作客買田十畝未全貧陶然自放
形骸外敢向清時慕隱淪

葉元祺

字吉也一字厚山金華人乾隆庚午順天舉人官永綏同知

宋宏劍傳畧曰厚山先生在南時道遠不克迎養母
母卒乃刻木為像能運動如生人朝夕設饌以供終其
身不怠在龍陽時有周生者訂婚富室而家中落富室
悔婚訟於官先生廉知女抱志不改乃喻富室以大義
令當堂成禮比縣試見周生文佳擢第一山西撫軍伊
公某先生教習時受業門生也方掌教河東問伊公至
卽南旋或曰門生顯秩於公必情屬我何自解遂去之
責善不可拘私萬一人以私情屬我何自解遂去之
王夢庚曰厚山因民兇悍斃命者數乃刻五刑
圖一冊散布民間且繫以兩詩今詩圖俱逸

遊萬固寺

攜杖步城東中條邃幽徑中有梵王宮遂得餐其勝百折湖
寒流千盤厠石磴苔靜寺門古屐響空谷應傑閣標前廡浮
圖卓初暝一榻午風清花雨落清磬

吳懋政

號蘭陔海鹽人乾隆壬申進士
官博羅知縣改處川府教授

靈芬館詩話吳蘭陔懋政工為科舉之文從其指畫者
多援魏科以去決科發策與其所以可否不失十一時推
為文學祭酒而詩亦工整有法如一官未久初心在兩
字無能定論公此生祇合排系老我輩元非仕宦才蓋
吳以知縣改教授故有此語其寄博羅某生云老去雲
踪到處畱賢絲禪樹度中秋七千里外今宵月曾記胡
牀坐庠樓
尤有風趣

畱別博羅諸紳士

力輕任重木難安尚荷優容執政寬白簡已登仍免議青塵
雖冷亦云官明知墮甌看何益不信連環解最難歸臥鴛鴦

湖上月釣遊還憶舊漁雅

高下羅浮四百峯峯積翠削芙蓉
媿因案牘逋詩債愁對山靈抗俗容
蝴蝶洞深丹竈冷梅花邨古白雲封
依依欲別重回首勝賞何緣再遇從

乳酥寄與公倚之以詩

煨芋叨嬾殘燒猶累佛印平生口腹緣
多在招提境貧家無一物媿乏報瓊敬
客從遠方來琪壁喜持贈未堪供普賢聊
可配清聖君試酌言嘗風味乃絕勝
剖如玉屑霏投作露華淨稍潤詩腸枯
能柔酒力勁遙想山中人糟牀初壓竟恨不
一尊同良宵傳雅令

題徐印函舞劍擊鼓圖

赤霄星斗照吳鉤舞遍龍鸞汜未休
簾外春寒花信晚更教

十面打涼州

秀野堂開竹影空壯心無處吐長虹隱娘劍術邪孃鼓併入

吳綃尺幅中

連雨不止寄舜徽弟

一春心事不分明雲氣連山擁樹行里諺偏符甲子雨春雨甲子

乘船入市天慳不放丙丁晴花開幾樹落無迹屋破多年漏有聲

惆悵對牀虛鳳約西堂池草夢中生

陳致新

字履嘉號立夫山陰人乾隆壬申舉人

朱珪題詩後曰立夫老于詩余得見數首其鏗奇不減東野雪夜苦寒挑鐙讀之川東坡讀孟郊詩頗取之

黃鶴樓獨酌

山川向晚鬱蒼蒼獨上高樓學酒狂風定數鈴猶對語江空
一雁獨橫野船帆影移衰柳隔岸人家住夕陽醉後詩成

傳不得漫將幽恨寄他鄉

郭昆甫爲言周元木病甚

富病愁損貌貧病愁損心家病藥易衰客病醫難尋越鳥飛
北雲投樹無高林上憂風雨苦下憂螻蟻侵鳴號感遠人
病日以深爲君絕蜩斗蜩斗誰解吟爲君散琴瑟琴瑟誰知
首秋風搖蕭颯松柏何森森

陳

宣

字鳳藻號篁墩錢塘人乾隆壬申舉人官山西永寧州知州著苔倚小稿

杭世駿曰陳氏伯仲百藥篁墩並負時名百藥長于說經爲什無多篁墩少歌吟哦才尤矯異將于月田諸老後繼爲倡引而領袖之風雅不亡具在于斯乎

古別離

佳人華屋中顏色非世有紅日射疎櫺好鳥鳴窗牖昨夜夢
良人妾心君知否任俠一身輕游歷燕趙久自憐桃李容悔

見陌頭柳脈脈不得言登樓獨搔首

月夜懷兄百藥弟半湖

皎皎明鏡光一月互圓缺獨步南榮前堂上燭明滅星沈寒
露零賞此清光潔獨賞亦何爲言念照離別感懷春草生入
夢恐徑絕底事在遠方幽情傷嗚咽聽笛到鄰家往事隨飄
瞥愁向永夜中寸心丁香結

懷遠村

折柳橋邊惜袂分幾回書札話殷勤曲中山水應憐我夢裏
池塘始遇君旅月遲斟花下酒江樓嬾對嶺頭雲何時一泛
西泠棹把袖重論別後文

祝喬齡

字東瀛號方壺海寧人山
天文生官工部屯田主事

俞寶華曰祝喬齡性好朋友樂施予典衣簪物勿惜族
兄維詰贈句云得錢嘗急難無米亦留賓蓋紀實也

六月下浣遊積水潭漱芳軒觀荷

積水清涼境芙蓉池路塵九門多熟客何處有閒人香散迎風遠珠跳帶露新憑軒凝竚久隨坐藉花茵

俞永弼

字始乾號念園海寧副貢生著念園詩鈔

慈利道中

直疑人在畫圖中轉恐倪黃筆未工兩壁嶙嶙開錦幃一舟演漾入花叢桃源重許漁郎問玉壘何須力士通欲爲靈均賦蘭芷荒烟漠漠暮雲空

錢元昌

字朝采號益翁秀水副貢生歷官貴州糧驛道

聖邦憲曰益翁好吟咏書法二王能繪事尤善花竹凡音律騎射刀槊無不擅場

游仙

白雲出九嶷狀如百尺樓飛身入雲中瞬息下十洲路逢玉

清女笑問將何求贈我雙白鶴駕我四青虬靈飛十二事一
一授全修功成願爲匹食言指雲流

菽水盡歡魚鳥適情屏跡三月頗得所性賦閒居八章

將寄京師故交知蓬門花徑興復不淺也

錄三

草徑隨田辟柴門面水開低橋三板渡高柳兩堤栽彈鴨驚
翻掌叉魚怒暴腮升堂介眉壽長勸盡餘杯

小蝶栖簾額微風入硯池長篇懷社友短句乞花枝中散能
琴手將軍老畫師平生多所好遣興亦隨時

雜花亦繞屋修竹作圍牆向日春尤麗梳風晚更涼鞭長鄰
舍喜果熟小兒忙偶憶天涯客高枝遠寄將

對雪招翁二迂伯趙五恒山小飲

時在虞山陽館

謝庭舞絮正縱橫捲幔烘爐叙舊盟薄酒對君殊有味好山

添我倍多情壓梅欺竹交枝白積屋鋪階照眼明且喜未
東郭履來朝踏玉更相迎

坐沈氏山亭

索居未苦久離羣日日看山步水濱半郭人家千樹障兩行
樵逕一泉分排雲野鶴歸幽渚待月飢狐出古墳却笑天寒
亭上客拾薪煮茗送斜暉

桐廬吟

捫星捧日事難猜偶愛高峯築二臺若使求魚真有意不將
萬丈釣竿來

獻縣道中曉行

白露侵人面涼風散馬蹄路迂三岔雜水蓄一窪低地廣稀
禾黍林荒瘦棗梨城中有官長何以慰窮黎

八月朔日過景州

遠道初逢朔西成八月天驚心秋過半搔首雪盈顛塔院雙
扉敗烽臺一幟懸齋期何敢忘長祝北堂年

青州道中

坐臥藤輿小輕於八尺舸倚衡平渡水攬轡直過橋晴日開
山面橫雲束樹腰閑吟動秋思落葉晚蕭蕭

王路清

字賓遠錢唐諸生著疏寮集耳湖詩鈔薊門遊艸

厲鶚疏寮集序略曰賓遠抱不羈之才棲息屬下且業
俠揮霍囊橐蕭然窮愁困蹇莫可言狀或酒酣耳熱旁
若無人或中夜不寐涕泗交流至不可解之地
許道基曰賓遠同余偶梁苑友大周魚門招飲傳文樂
燈以待燈落火然賓遠著作盡付祖龍飲歸或嘆誠僅
得殘帙數冊而已次年賓遠
卒于都門兆先見矣哀哉

瓊花觀

高觀峻嶒出瓊臺浪有名古燈千佛暗荒蘚半牀平芳樹時
移影棲禽慣作聲恰憐二三月不共萬花明

新夏遊香積寺懷汪端木

言尋南澗路復過北峯天雨霽泉流碧雲深僧入禪茶香供
客賓鳥語有風傳悔不招裴迪相思嶺月還

會文紫陽別墅坐別有天

白雲引雙屐一徑入煙霞崦嵫疑無路山深別有家晚風鷺
坐樹微雨鷺翻沙况復文瀾靜孤吟對水涯

破涕歌爲何太史韋江母夫人作

華堂日暖薰風起錦幌飄揚映階彤鳳誥新從天上來輪蹄
雜沓鳴珂里曲奏雲璈絃管遲紛紜賓客進霞卮願歌壽母
生平事一作當筵侑爵詞太君世胄家南粵仙李宗風舊闕

閩早歲能傳伏氏經弱齡惟繞倉公膝青犢黃巾肆海東一朝烽火燭天紅山郵水驛居民竄誰是田單脫鐵籠耶孃並走俄分散姊妹相從又中斷兵戈滿地數驚心鞀鼓喧天頻駭汗

王師振旅掃欃槍重見南中日月明童男幼女無歸所載置艤艫直北行海波汨沒山林杳枒檣櫓帆臨浩淼懼色時疑鯨鱷來泣聲恐犯蛟龍惱萬里飄流達薊門侯王甲第度朝昏家山回首知何處豔角吹殘欲斷魂邑丞大義高千仞不惜金錢贖髻鬣中有一人年十齡儀容婉嫵符坤順拂拭珍同膝下兒恩深鞠育比嚴慈春風刺繡花開日秋月鳴琴漏靜時謝家道韞同吟雪逾時並嫁乘龍客夫婿錢塘江上居片帆東下之西浙骨月生離淚眼枯追思往事夢無殊幾番

五夜呼天帝暗祝能還合浦珠自恨鬚眉遜男子不獲尋卿
到桑梓猶幸曾知父母名故園記得佛山寺物換星移春復
秋好憑佔客致書郵福祿街前粘片紙何人取得問從頭一
家驚喜爭傳說地北天南久離失只謂難求落井瓶那知重
獲投淵壁扶杖高堂正倚閭自茲音耗達番禺年年鶯嶺飛
鴻雁歲歲羊城寄鯉魚軒車從宦遊南楚望衛其如身任許
因從暇日遣長鬚烏報天涯常陟岵明年老父裹糧來抱首
牽衣哀莫哀豈是木蘭河上返還如定遠玉門回衰翁鬢髮
全非昔愛女風神異往日藉令逆旅乍相逢對面相看應不
識喁喁絮絮話家鄉小妹無踪防母亡廐中廝養皆酸鼻路
上行人亦斷腸二紀之餘重聚首往來通問殊長久寄聲天
下別離人同快愁心領一斗純孝由來格上寫教成令子擅

兩浙輜軒錄

卷二十八

五

三

雕龍校書夜入崇文館視草晨趨建禮宮
萱花榮茂陔蘭綠
七十春秋膺老福聚散悲歡憶少年
太君破涕爲娛樂楚舞
吳歛且莫喧歌成四座悄無言
何殊海上麻姑至細說滄桑
三度遷

黃元嘉

字柔則號再岑錢塘人著有市曲茹室集

徐逢吉曰先生爲詩不染俗論自成機杼一洗懣懣厚
俗之味佳句如風雨已過愁病日溪山繚對苦吟身啼
鶯隔葉如迎客流水浮花欲送春三月竹房閒水北一
帆春雨盡江南雖置之方雄飛喻坦之集中亦不能辨

送友人之吳興

君且挂帆去蘆花白滿舟雲沈雪片路葉落靦山秋
不負題詩筆重過跨水樓魚蝦遍邨市風土似杭州

春霽溪上閒行

野塘不到又乖旬嫩柳今看綠漸勻風雨已過懣病日溪山

纔對苦吟身啼鶯隔葉如迎客流水浮花欲送春何處樓頭
夜吹笛一聲清響度煙津

送友之江南

爾欲離鄉柳正凋殘年使我更何堪入山空有多年約分手
徒貪片刻談三月竹房閒水北一帆春雨畫江南舊時吟侶
皆爲客獨守蓬蒿祇自慚

陶錢浩

字巨源仁和諸生著藻玉軒集

棄婦篇

與君初結褵朝夕事歡宴燕釵垂綠鬟鏡窺嬌面貽我合
歡襦縫以五色線方謂燕婉情千載永不變豈意歲月馳忽
復割愛戀妾心如貞松君情若朝霞貞松節不移朝霞旋消
散妾雖失君歡終始情縈縈君自樂分飛比翼中道判自傷

生別離反不如團扇團扇雖棄捐薰風會相見

不寐

欲作還家夢雲山知幾層夜涼猿嘯月人靜鼠窺燈別思逢
秋劇愁心與病增獨居長不寐空對髮鬢髥

秋晚懷同人

還來澤畔獨行吟野色蒼茫暮靄侵霜瘦寒林添屋角風收
落葉聚潭心地供遠眺平原闕人到悲秋別思深差幸小春
花事好茅堂有酒願同斟

過張晴田書屋并讀近詩

百壘烟縈水一灣騷壇新築傍湖山人居白傳逋仙後詩在
開元大歷間香霧乍銷吟壁冷輕雲不散墨池閒何當共闢
三三徑風雨論心日往還

起 荃字芳佩錢塘諸生著琪樹堂詩集

巫山高

巫山十二凌空起上搏游氛不可視巫山飛翠倚江開江水
重重四面來夜冲明月峽朝吐白雲臺臺上清風起吹出神
仙女芙蓉面雲霞裳屠蘇結琥珀漿君王乍見驚輝光迴身
一笑如鳳皇長宵倚華簪遺香蕩魂魄拉襍杳無踪良期不
可通吾君如有意巫山卽妾宮

芳樹

芳樹當春何靡靡下有美人時倚徙輕按瑤琴彈玉指宮絃
飛花羽流水芳樹拉襍秋風起美人入戶更羅綺華燈明滅
愁還乘暗數歸期長吁嘆息豈無鴈帛矢心如石君有他心
歸不歸恨無羽翼能奮飛

瑤瑟弄

嫺皇剪絲辨六呂流音樂府驚歌女五十錦絃一時響敲金
戛玉兼鐘簾又疑鳳抱八九雛丹穴嚶嚶作人語忽然激越
聲如注石崇擊碎珊瑚樹麟麟栗栗復嘈嘈珠樓亂灑催花
雨一彈三嘆降王母宮商翻出蓬萊譜曲中一笑董雙成停
雲不動春風生

衛青歌

衛青新拜大將軍彎弓萬里巡潯濱子夫宮中歌未絕單于
臺上無猶塵君不見李廣射石力穿虎老死不俟淚如雨

翟

灝字晴江仁和人乾隆甲戌進士

碧簪詩話晴江先生居良山門外楊家橋與吳西林先生
生居隔數里常相從倡和家塾延吟友爲師若朱古心
任石居先後一二十年間風雅振興東鄉號爲詩國先
生博覽羣書精心考證著湖山便覽四書考異爾雅補

郭通俗編俱梓以行世其詩先刻者爲
無不宜齋集未刻者尚數百首藏於家

寬橋途中作

淺笠輕衫得自由近郊閒趁晚晴遊
翠陰失路忽成巷涼氣襲人先報秋
園朵欲攀搖未定井華待汲去仍畱
邨烟暖暖遙相引幾處柴扉傍竹幽

咏煙草

耕地栽培草能令四德俱在林木玉露楓柳四德醉能使醒醒能使醉饑能使飽飽能使饑或卽
以草占肥同黍麥望影接茭蒲載採香何烈云黃葉已枯縛
箱通遠賈懸旆售交衢柿削堆初積絲分縷不羸輕柔搓柳
綾瑣碎落金麩蘭屑紛攪和蕪膏暗洽濡慕艸情自切嗜多
性無殊費薄錢挑杖饑深睡溢盂細筒裁竹箭夾袋製羅縐
佩或隨鳴珮攜常備小奴鍬金抽箇籥律管實葭苧藉艾頻

敲石園灰尙撥爐乍疑伶秉籥復效雁銜蘆墨飲三升盡烽

騰一縷孤似矛驚燄發漢西域傳車師王如筆見花敷苦口

成忠介焚心異鬱紆穢兼岑草亂吳越春秋越王病口臭令左右皆食岑草以亂其氣

醉擬碧筒呼吻燥寧嫌渴脣津漸得腴情禪參鼻觀沆瀣潤

龍胡幻訝吞刀並張衡西京賦吞刀寒能舉口驅吐氣成火

傳餐霞方孰祕厭火國非誣繞鬢霧徐結盪胸雲疊鋪積

青凝斗室橫碧漾紗幘七灼心除疾三熏胃滌污含來思邈

邈策去步于于款客猶先茗澆書不待醺濯回膏橄欖疫辟

浸茱萸洱海諸糧細番馬端齋輸作騷多臍腹採藥早遺珠

郭璞箋仍缺嵇含狀莫慕滇南功獨奏閩右路羣趨種未周

三甲風先徧八區景岳全書白萬歷始出於閩廣間向以征

安然問其故則與相思名旖旎俗稱相呵應語模糊用雲點

皆服烟由是徧傳

自應爲損益人憑說辛芳爾不渝詩腸感稟染吟謝淡巴菰

秋草

關心河畔草極目水邊洲白露年年節斜陽處處愁啼蛄
幽夜牧馬散高秋欲共靈均語沅湘未可游

溪行口占

三分橋北筴徐收影落青篷曲折流一帶人家小平遠春山
春樹滿船頭
連波碧草黯離魂遠道纔過新市村欲就含山訴憔悴水烟
濛濛又黃昏

落葉

蕭條景物綠初稀露盡江邨白板扉遠水亂捎舟影小寒山
欲上路痕微酒情自檢從今病

醉鄉記飲流謂
睡者爲病葉

旅夢難隨到

處飛底事長安瘦。客閒吟苦愛不知歸。

斷角清砧一樣愁。烟霏水潦自成秋。停車客坐風吹鬢。沽酒人來月在頭。顧影可憐同瘦質。漫空又捲入高樓。故園尚有凌寒竹。記得芳尊綠葉浮。

歸程南指路迢迢。衰鬢偏驚亂影飄。

歸人值落葉落葉驚衰鬢皆唐人句桃葉

渡頭人不見。洞庭湖上水難消。蕭閒古寺停秋磬。寥落長坡唱晚樵。踪跡幾年行未到。清霜白過舊溪橋。

曲寫哀蟬韻。玉琴霏霏黃雨自盈林。夢雲老鶴移巢偏入草。涼蛩覆綠深梧井。露殘迷曉跡。楓江水冷助秋吟。朝朝碧幃愁吾眼。一望鄉關快此臨。

裊裊蟲絲冒帽斜。厨烟青翠護山家。何人更解吟枯樹。昔日曾來送落花。小閣似聽經夜雨。寒林宜帶數行鴉。倪迂畫筆

真蕭灑好向西風駐短車

已見梧桐一擲驚白楊今又嘆燕城閉門以後階難掃散社
歸來屐有聲野岸無人秋水闊天街到處夕陽明江南黃葉
村猶在不獨尋鱸蟹遠情

題水月老人故居 并序

老人姓孫名文字文石號水月明之會稽諸生 國
初隱杭艮山門外勝所居曰梅園問其年長稱九十
人有所與一介不取言論娓娓不倦少拂意終日無
一言間爲長短歌詞落落自喜冠服多不從世法老
而禿人以僧呼之老人笑曰我固牛馬任呼耳潘陽
范忠貞公撫浙太夫人謂曰昔年有一水月老人對
汝祖言爾孫當撫浙我及見之今其言驗矣忠貞物

色得之屏騁往謁爲築石徑於其門外曰百步塘自爲記刻石時西溪虎患忠貞偶問及之老人曰山頭大蟲住打門內大蟲休惹逮忠貞遷閩督老人囑別曰耳邊火發時須有主意人皆不喻其意忠貞旣赴閩以不屈耿逆死始知門內蟲聞也耳邊火耿也羣以老人能前知爭謁焉老人厭之復避之他不知所終梅園後爲僧徒居改名水月庵尙老人若僧象率之庵中葬其衣冠於庵北王阮亭池北偶談徐方虎見聞錄俱載老人事稱之爲僧蓋亦據所傳聞耳近來庵復爲道士居言老人乃仙者余居去庵近耆老猶及見之所聞得其實故詳著之於此

耳邊蒿火發門內大蟲躡抗節真無朽知幾亦有神式廬遺

石徑題碣護苔茵
譏吾姑置交游信絕塵

踪蹟初無定相遭
水月痕馬牛生任喚釋老死爭援名未歸
身隱風堪敵齒尊祇宜高士傳畱載此邱園

東郊地偏鄉俗異於他所隸其俗事爲詩

桑菑新萌蠟子稀
河泥頻滑土膏肥
九江舟販魚秧至五堰

人驅鴨陳歸

蠟似蠶食桑而桑敗滅其子則免蠶近水田園取河底泥以糞村人年年往九江取魚苗五堰

漢江斥鹵地居人多以養鴨爲業

橫塘春水熨如繒
檐齒高低簇繡層
一帶桃花半山路豐華

不負小金陵

東郊有牛山橫塘皆與金陵地名同橫塘民居頗饒俗人呼小金陵

刷取靈芝宿潤含
鴉頭鉏荷翠都籃
分明禾藥圖難盡絕筆

邨中戴靜菴

繭橋地多種藥草明盡上戴進號靜菴居繭橋相婆街

梅子黃酸杏類肥
桃尖紅渥李青衣
甘塋五月行人飽似向

羅浮頂上歸

甘整村多果樹熟時不禁人收陸賈行紀云羅浮山頂楊梅山桃人登採拾止得於上飽啖不

得持下茲地亦然

不藉燕支拂鬢紗西風吹綻碧蟬花儂家赤岸邨邊住曉擘

牽離染翠霞

石竹一名碧蟬花赤岸邨人秋取花汁作藍綿亦名藍燕支畫家用以染點及彩羊皮煙牽離

蘭幕也見劉熙釋名

孩兒蛭嫩釣盈筐童子魚鮮一尺長好認金獅沽玉醴更來

白石買黃羊

彭家步出孩兒蛭竿釣得之魚盈尺者俗呼童子魚金獅子街賣無麴酒白石廬前羊膷有名

魏

鼎字夏初號梯雲慈谿人乾隆癸酉舉人官河東中場大使著問月樓詩集

魏成憲曰梯雲公少孤貧嘗竟夜苦讀飲硯池水以止渴學有根柢駢體尤工長身脩髯跌宕自喜甬東學者咸出其門

夏日遊韜光用白香山韻

層巖開福地梵宇卽仙家丹竈騰雲氣香臺瑞霧籠金蓮波

浸葉玉笋石穿芽坐久清風至無須七椀茶

冷泉亭夜坐

驚嶺晚煙暝蒼茫坐寺亭林陰翳澗月螢火亂潭星客醉梨花酒僧談貝葉經納涼殊未倦頻聽水泠泠

順河旅舍和壁間韻

薄暮棲茅店征衫客卸同莫愁前路雨生怕晚來風村酒杯浮綠孤燈壁映紅離家千里外頻憶甬江東